

[www.BibleForChildren.org](http://www.BibleForChildren.org)

# Matthew 1



'Aw 'et bulh lhk'utat sanun hoh Yak'usda ndun lizas Gabriel hiyulhni, 'en keyah Nazareth ts'ih wheyalh'a. Njan keyah 'et yun k'ut Galilee whuz'ai. Whuz ts'ih 'ilhunuh ts'eke 'aw dune yut'achaghesnak unli, 'en ts'un whel'a. 'Ilhunuh dune, Joseph hiyúlhni, 'et David hits'uh hainde, 'en 'ilhunuh 'int'ah. 'En yughu tedalh yuts'un lhaoodinla. 'Et ndun ts'eke 'aw dune yut'achaghesnak, 'en Mary hiyúlhni.



'Ink'ez lizas 'en ndi yúlhni, "Mary  
niljut ilah! Yak'usda nyulh hoont'i.  
Dája 'uski ba' tenilh. Duneyaz  
nyaz tele. 'En Sizi dutanilh. 'En  
ncha tele.'En 'uhidutenilh  
soo 'uk'enus 'en buYe'  
tele. 'Ink'ez Yak'usda  
neMoodihti David butsuh  
whudelhdzulh, ndet hukw'inda,  
'et yutl'aóote'alh. 'Et whuz na'a  
Jacob hits'uh hainde 'ilhuz wheni  
huba hubudayi cho tele. 'Ink'ez  
njan hubudayi cho tele,  
'aw whulatah whutélah."



'Et Mary, 'en lizas 'uyúlhni,  
"Nts'e na'a 'uwhutenilh, 'aw  
dune t'enuzuszun hoh 'ust'ah."  
'Et lizas yulh yalhtuk, "Ndoni  
nk'edinde 'ink'ez degha nus  
'en ye ulhtus, 'i nk'ut  
sakwhusts'it be  
whútele. 'Et huwa  
ndi 'uyust'e lubeshi  
bughoh hoolah,  
'i whuzdli t'eh,  
'en Yak'usda buYe'  
hidutenilh."



'Et hukw'elh'az Mary Ihadúja. 'Et yun k'ut nódest'ai whuz Judea yun k'ut 'ilhun keyah whuz'ai, 'ahoh whuz whinya.

Zacharias bukoo daninya

'ink'ez Elizabeth dahooja yulhni. 'Et Elizabeth, en Mary daja ni yuduzts'ai ibulh 'uski buchan ts'ih télhah.



'Ink'ez 'ahoh Ndoni be dez bun.  
Elizabeth soo tube cho ndi yúlhni  
"Ts'ekoo tah degha nus  
hoonzoo nyulh 'uhooja.  
'Ink'ez nyaz whutéleh,  
'en dawhuldzoo  
nghá whults'ut!"



'Aw 'et Sizi Gri whuzdli, ndez  
na'a 'uhooja. 'Ama Mary 'en  
Joseph 'en yughu tedalh ka  
lhahódinla, 'ink'ez yughu  
tedalh whutsuh hoh 'et  
nahoo'ai 'uda 'uski  
bulh 'int'ah. Ndoni,  
'i be 'uja. 'Et ndun  
Joseph 'en ts'ah'un  
dune unli, 'et huwa lhgho  
hutedukelh ts'iyannah tah  
yooya yoolhtselh whuch'a  
bubeni lhaidinla. 'Ink'ez  
whu'iz yuch'a natedalh  
hukwa' ninzun.



'Et howu nuni nuzut hoh 'et huwu nusúti hoh neMoodihti bulizas 'en 'uyulhni, "Joseph nyun David buts'u hainzut inli ho' 'int'ah. Wheniljut ilah Mary n'at wule. Ndun 'uski Ndoni be chainya ho' 'int'ah. 'Aw 'et 'en duneyaz tele. Nyunch'oh boozi bugha ídon'alh. Sizi dóni. 'En 'utenilh ts'iyannah lubeshi ch'a hubutelhyih."



'Et Joseph ts'enanzut hoh neMoodihti bulizas daja yulhni, hoh tune' 'ust'en 'ink'ez 'aw 'et Mary yilhchoot bu'at tele ka. 'Udechoo buyaz whutele t'eoonanzin 'et whuts'un 'aw yut'áchagheshnak. 'Aw 'et buye' whuzdli, 'et k'an zeh soo yughusda.

'Et boozi yugha íden'ai Sizi yulhni.



'Et da 'ilhunuh dune Caesar Augustus hiyulhni, 'en  
nduhoolhcho keyah hudelhts'i, 'en ndi khunek yutah  
ihuhezya. Ts'iyannah boozi  
'i ts'iyawh hik'e'tegus  
ka. 'Et ts'iyannah  
dich'oh dukeyah



whuz whehandel huboozi k'ehutegus ka.



'Et Joseph 'en yun k'ut Galilee 'ink'ez keyah  
Nazareth, 'et whehúdin'az 'ink'ez David bukeyah,  
Bethlehem huwhutni, whuz  
wheha'az Joseph, 'en  
David yuts'uh  
hainzut 'int'ah  
'et huwa.



Ndun Mary yughu tedalh hoh yuts'un nahezya, 'en  
njan Mary 'uski ba 'int'ah hoh yulh when'az huboozi  
k'é'hutegus ka.



'Aw 'et huzke hoh  
buyaz whutéleh 'et  
neoodenzut.



'Aw 'et 'udechoo buyaz whuzdli. 'Et ndi layin  
naih yugha iwézduz 'ink'ez musdus yez 'uyi,  
'i be yalhti. 'Aw ts'uztez bakoo  
nachahuhóo'al, ts'iyawh  
whudézbun  
'et huwa.



'Ilhunuh yun k'ut dzuh nilhdzayaz, 'et sheep ghuhinli  
tl'o k'ut 'et huwhut'i, 'ink'ez 'ulh'ek nduwhulyez hoh  
hubughunai ghuhinli. 'Ink'ez nilh'en,  
'aw 'et neMoodihti

bulizas  
hububut  
siyin.



'Ink'ez neMoodihti buts'uh hayanduz, 'i ndulhcho  
hoh hubunat bube dendi. 'Ink'ez 'aw' et tube hoh  
hunelhújoot. 'Et lizas ndo búlhni,

"Whenoolhujut gunih!

Nulh'en  
ndi khunek  
unzoo 'i soo  
ts'iyannah  
dune ye

hóotet'i, 'i  
nuhwhuts'u  
té'ai."



K'an dzin David bukeyah, nuhwhutelhyis nuhwhuba  
whuzdli. 'En Christ neMoodihti ts'utni, 'en 'uja.



Ndez na'a hoh t'ewhuntehzeh ka nuhwhuba hoh  
hoodel'en nts'e na'a dahooja, lhe'int'ah layin bugha  
iwésduduz 'ink'ez musdus yez 'uyi,  
'i bet usti."



Khunyaz lizas 'ink'ez Ihanah lizas  
nehughan, 'en ndus de hahandel.



'Et Yak'usda 'o nus hiba hodélhti hoh  
nduhútni, "Yak'usda degha ndoh yak'ut,  
'en uzdelhti. 'Ink'ez ndi yun k'ut

nedzi dooghel,

'i be

ts'iyannah  
dune hubuts'un  
hoonzoo  
hole!"



'Aw 'et ndunnah lizas yak'uz ts'ih hubugho  
whenáhedel. Ndunnah Sheep ghuhinli ndulhodutni,  
"Aw 'et Bethlehem ts'ih ts'utoodelh. 'Ink'ez nts'e  
na'a dahooja 'et neMoodihti  
nedani, 'et ts'onoolh'en!"



'Et 'a tsih ndaz de hedulh. 'Et Mary  
'ink'ez Joseph 'ink'ez 'uski musdus yez  
'uyi bet usti hoh hubughu hunindel.



Hiya'en hukw'elh'az, nts'e na'a 'uski  
bugha lizas 'en hubudáni, 'et whunat  
ts'iyannah t'ehonandzin hoh ndunnah  
yudants'o sheep għunli daja hubulhni,  
'en ts'iyawh huba  
hooncha suli.



'Aw 'et yun k'ut  
Judea, keyah  
Bethlehem whuz'ai,  
'et Sizi whuzdli.  
Hoh da whuz  
na'a Herod



hubudayi cho unli hoh 'et 'uhooja.  
'Aw 'et whuzdli hukw'elh'az  
khunyaz nda whut'en keyah  
Jerusalem ts'ih hunindel. 'En  
whunih Maji hubuhútni, 'en  
'uhint'ah.

'Ink'ez dune  
hoodulhkut, "Lizwif  
hubudayi cho k'an  
whuzdli, 'en nts'e  
whuzdli? 'Et  
ndi sum cho

ts'a'en, 'i bugha lhuts'úzdel.  
'Et huwa ndaz de ndun 'uski 'en  
buts'un teni' ts'untelhdzilh ka  
whusats'ándel."



'Et Herod whu'iz hoh dune  
whunih 'en 'anih hubudáni.  
'En hubuts'un naooté'ah  
ka ndet dzin nts'oh  
whudezulh ndi sum be  
hóoduteltsilh. 'Et  
hukw'elh'az keyah  
Bethlehem ts'ih whebalh'a  
'ink'ez ndo búlhni, "Ahdulh  
'ink'ez soo cho hoh 'uski  
naoolhteh."



"'Et nighthah'ai t'eh, nts'e  
'int'ah 'et sts'ótl'a  
khunek wah'alh. Si chah  
whuz tesyalh buts'un  
teni' ntelhzilh ka."



'Et hubudayi cho ndo búlhni hoh whehándel. Hedulh hoh khunyaz ndi sum ndaz de ts'un hitelh'en 'ink'ez hubutsuh 'ults'ulh. 'Et nts'e 'uski usda 'et bugha nduk, 'et lhghá dilts'ut. 'Et 'ink'ez koo dahuníndel hoh 'uski hitelh'en, 'ama Mary 'en bulh. Hibut nachánelya 'ink'ez hits'un teni' nalhdzin.



Huye 'úzdla, 'i hidah lhch'az hiyílhchoot hoh 'i hiyé ha'anla 'ink'ez hits'u hítelhdel. Gold, yoo sooltsun, 'i frankencense hiyulhni, 'ink'ez yoo Myrrh hiyulhni chah, 'i ts'iyawh hits'u hítelhdel. 'Ink'ez Yak'usda bubul be bugha dáni, 'aw Herod buk'unaoohdelh gunih hubudáni.

'Et huwa  
'uts'un ts'un  
hubukeyah ts'ih  
whenáhedel.



'Aw 'et whenáhedel  
hukw'elh'az neMoodihti  
bulizas Joseph nute hoh  
beghah hódiltsai. 'Et ndi  
yúlhni, "Didinyaih, ndun 'uski  
'ama bulh hubilhchoot  
'ink'ez yun k'ut Egypt  
'a ts'ih whuz hubalhtelh!  
'Et nuhwhudutésnilh  
'et whuts'un

'et doolhúts'i!  
'Et 'áho Herod 'uski yuka  
it'é'ilh yutuzelhghelh ka!"



'Et 'ulh'ek dinadeja 'ink'ez  
'uski 'ama bulh hubilhchoot  
'ink'ez yun k'ut Egypt whuz  
whehandel. 'Et Herod  
datetsah whuts'un 'et  
hudutélts'ilh. 'Et ndúhut'en  
hoh neMoodihti ndun  
nus whunilh'en, 'en be  
daja ni 'et ndoneltsuk  
tune' whust'en



hoh njan ndutni, "Suye'  
'anih dáni yun k'ut Egypt  
whuch'a naoja ka."



'Aw 'et Herod t'eoonanzin  
ndunnah whunih, Maji  
hiyulhni, nahina'a, 'et huwa  
tube hunilch'e. 'Et nts'oh  
huwa whezulh Maji hidáni hoh  
bulunah nehughan keyah  
Bethlehem ts'ih whebalh'a.



'Et ndo búlhni, 'et keyah  
whut'en ts'iyawh 'ink'ez  
whunat whut'en chah  
ndunnah duneyaz nat  
naoodezulh be suli 'ink'ez  
whuts'un whudelhdzulh chah,  
'en ts'iyawh huboohghan.





'Aw 'et Herod dazsai hoh  
Egypt ts'ih neMoodihti  
bulizas Joseph huwunute  
hoh beghah níwhults'ut.  
'Et ndi yulhni, "Didinyih!  
'Uski bu'ama bulh  
naoobilchoot. Israel  
yun k'ut whuz nahdulh.  
'Et whutsuh da ndunnah

'uski híkuneztai  
hituzelhghelh ka'en  
ts'iyawh yahadla."



'Et whunts'ih Joseph  
whulh uduzts'ai  
Herod buye' Archelaus  
hiyulhni, 'en bu'abá  
k'edanya 'ink'ez  
k'an



Judea yun k'ut  
hubudayi cho unli. 'Et  
whuz teyalh whénuljut hoh howu  
nusúti 'et Yak'usda yugha dáni. 'Et  
huwa Galilee yun k'ut ts'ih whuz whehándel.



Whuz hunindel  
keyah Nazareth  
huwhútñi, 'et  
hudutélts'ilh.



'Et whuz na'a nus  
whunilh'en daja hutni,  
hoh túne' whust'en njan nduhútñi,  
"En Nazareth whut'en hiduténilh."

Yak'usda dalhcho 'i be ndi yun k'ut  
dune húbuk'entsi', 'aw 'ilhunuh zeh  
buYe' 'en hubugha ínilhti. 'En bugha  
ndan huba 'alha' yint'ah 'aw  
dachahútesa, 'ilhuz wheni  
hukhutena 'et huwa.



Romans 3:23 'Et nuwheni ts'iyawh lubeshi 'uts'alh'en.  
'Et huwa Yak'usda ye dézti, 'i dant'ah,  
'et nduts'óot'e ghai't'ah.

Romans 6:23 Lubeshi 'uts'alh'en, 'i k'elha daztétsah.  
'Et whunts'ih neMoodihti Sizi Gri, 'en bugha Yak'usda  
'ilhuz be ts'ukhutena, 'et huba hukw'elha  
chats'uhoolhtsil hoh negha óoni'ai.

Hebrews 9:27 'Ink'ez dune 'ilhuh zeh dahútetsah,  
whuz na'a 'uhóolya, 'et dahúzsai hukw'elh'az  
'et t'eh huba nahutedeh.

Ephesians 2:8,9 Ye unzoo, 'i be, be neba 'alha  
'ohoont'ah bugha uzdujih 'et huwa. 'Aw whenich'oh  
negha ilah hoh uzdujih. Yak'usda 'en negha óoni'ai.  
'Aw 'ut'en 'uts'ulh'en, 'i bugha ilah uzdujih.  
Doo ka bulunah dune hundunoolti.



Romans 10:9,10 'Et 'uyoon dune ndo budíni t'eh, 'Sizi Gri  
'en suMoodihti unli', 'ink'ez ndzi yuh hoh mba 'alha  
'uhoont'ah Yak'usda Sizi Gri dazsai hoh dinaidilhtih, 'et  
t'eh dutanjih ho' hoont'ah. Njan 'et ndzi yuh hoh mba  
'alha 'uhoont'ah t'eh, Yak'usda nalh ts'ah'un na'a  
'int'ah. 'Ink'ez njan 'et 'uyoon dune budíni t'eh,  
'et sih dínjih ho' nint'ah.

John 3:16,17 Yak'usda dalhcho 'i be ndi yun k'ut dune  
húbuk'entsi', 'aw 'ilhunuh zeh buYe' 'en hubugha ínilhti.  
'En bugha ndan huba 'alha' yint'ah 'aw dachahútesa,  
'ilhuz wheni hukhutena 'et huwa. 'Aw dune ba nahuteyeh  
ílah Yak'usda buYe' ndi yun k'uz yutélh'a. 'En bugha ndi  
yun k'ut whut'en 'en ts'iyannah hudoojih, 'et wheni ndi  
yun k'uz yutélh'a.



1 John 5:11-13 Ndi bunalh 'úhooja, 'i Yak'usda 'ilhuz  
ts'ukhutena negha óoni'ai. Ndi 'ilhuz be ts'úkhuna, 'i  
buYe' bulh 'int'ah.

Ndan buYe' ut'i 'ilhuz be ts'ukhuna, 'i ut'i ho' 'int'ah.

Ndan Yak'usda buYe' chait'ih, 'en 'aw 'ilhuz be  
ts'ukhuna, 'i chait'ih ho' 'int'ah.

Ndunnah Yak'usda buYe' boozi huba 'alha' yint'ah ndi  
nuhts'un k'e'anguz. 'Et hoh 'ilhuz khutehna whaht'i  
t'eeoonóhzin, 'ink'ez Yak'usda buYe' boozi nuhwhuba  
'alha 'oot'e zeh 'ooht'e.



Matthew 1-2; Luke 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Carrier, Southern Bible (caf) © 2002, Wycliffe Bible  
Translators, Inc. All rights reserved.

<https://www.bible.com/bible/537/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

